



Stranka za Bosnu i Hercegovinu Općinska organizacija Novi Grad Sarajevo
Trg solidarnosti br.15, 71000 Sarajevo, Tel: (+387 33) 498-436, Fax: (+387 33) 498-436

Vlada Kantona Sarajevo

Ministarstvo za rad, socijalnu politiku, raseljena lica i izbjeglice

**Zastupnik u Skupštini Kantona Sarajevo,
Jasmin Šaljić**

Predmet: Inicijativa prema Vladi Kantona Sarajevo i resornom ministarstvu za dodjelu statusa udruženja od posebnog značaja Udruženju žena- žrtava rata Sarajevo

Udruženje žena-žrtava rata Sarajevo nije u mogućnosti nastaviti rad i provoditi aktivnosti zbog nedostatka finansijskih sredstava i institucionalne podrške. Ovo udruženje djeluje od 2003.godine kao nevladina i nestranačka organizacija, s ciljem zaštite prava i dostojanstva žena koje su preživjele ratne zločine, silovanja i seksualnog zlostavljanja tokom agresije na Bosnu i Hercegovinu 1992-1995.

Ovo je jedina organizacija u BiH koja se sistematski, dugoročno i posvećeno bavi ovom izuzetno osjetljivom i društveno važnom problematikom. U protekle dvije decenije ovo udruženje je pružalo kontinuiranu psihosocijalnu, pravnu i savjetodavnu podršku žrtvama ratnog seksualnog nasilja na području cijele BiH, posebno na području Kantona Sarajevo. Udruženje je evidentiralo i dokumentovalo na hiljade svjedočenja žrtava, čime je dalo nemjerljiv doprinos tranzicijske pravde.

Prema dostupnim podacima samo na području Sarajeva registrovano je oko 500 žrtava silovanja i seksualnog zlostavljanja. Svjedočenjem članica, žrtava i njihovih porodica okončani su brojni procesi za ratne zločine pred domaćim i međunarodnim sudovima, uključujući i postupke pred Međunarodnim krivičnim sudom za bivšu Jugoslaviju, sa osuđujućim presudama. Bez rada ovog udruženja, mnogi od tih slučajeva vjerovatno nikada ne bi ni bili procesuirani. Prema podacima iz elektronske baze udruženja prikupljeno je 5557 izjava žena žrtava rata iz 73 opštine. Priznat status ima 1119 osoba, evidentirano je 62 djece rođeno kao posljedica silovanja, dokumentovano je 2876 počinilaca, 10639 svjedoka i očevidaca.

Dodjelom statusa udruženja od posebnog značaja, osnažile bi se institucionalne podrške žrtavama rata, odalo bi se priznanje žrtvama i omogućila dugoročna stabilnost i kontinuitet rada udruženja.

O ovoj inicijativi za dodjelu statusa udruženja od posebnog značaja insistiram da se izjasne zastupnici u Skupštini Kantona Sarajevo.

Jasmin Šaljić